



Printed at
AD ATTRACTION
Gopi Colony Chowk, Old Faridabad

दुर्गा



प्रेम नाथ प्रेमी

भजन

महामाया म्य छमना आश चांनी
दया-दृष्टि थवखना ही भवांनी ॥०॥

चं छखना दिवतहन हंजं रांजु रांनी
दया-दृष्टि थवखना ही भवांनी ॥०॥

बु ओरुत मांज्य छुस बेहाल गोमुत
प्रजलवुन तारुखा असमानु प्योमुत
दुःखव सूंत्यन भरिथ छम जिन्दगांनी ॥०॥

वनै कोताह शुमाराह छुमनु पापन
म्य वुलनम गुनसि हुं'दु'य नाल शापन
बु छुस बेजांन्य ज्ञानुच्य छम न दांनी ॥०॥

स्यठा भुमरोवनस कामन तु क्रूधन
मधुर मस चोवनस लूभन तु मूहन
यि दिल मा वुनि ति छुम पायस प्यवांनी ॥०॥

अहंकारन अछिन अंधकार थोवुम
अथस मंज लाल प्राविथ रावुरोवुम
थुवुम यंच खारह पनुनी कर्मलांनी ॥०॥

भखृत्य ह्यथ डालि च़ेय निश आय कू'ती
म्य दीवी छुमनुओ'नमुत केंह ति सूं ती
छर्यव अथुवय तवै छुस मंदछांनी ॥०॥

(1)

चु माता छख दयालू ज़ान पानय
बु पूजा ज़फ न्यंयम मा केंह ति ज़ानय
पनुन दिल आस ह्यथ लोलुच्य निशांनी ॥०॥

छुसै ओरुत पनुन अवहाल भावान
अछिव किन्य लोलु अशि की आरु त्रावान
म्य दासस प्यठ पनंन्य कर मेहरबांनी ॥०॥

कथा

लोलु लागोस पोश च़ार्य च़ारी
अवतारी आयि दुर्गा ॥०॥

पादि कमलन तस पार्य पारी
अवतारी आयि दुर्गा ॥०॥

अवतारी आयि अवतारी
अवतारी आयि दुर्गा ॥०॥

अगर भक्त्यो मनस मंज छै च़्य भक्ती
अगर छुख छारवुन पंज्य पांठ्य मु'क्ती
वनय भवसागरस तरनंच्य बु युक्ती
स्व गयि क्यथु पांठ्य ज़न्मस आयि शक्ती

(2)

च्य कासी मांज्य स्वय संकट त् सखती
त् लेखी कर्मलानिस नेक भक्ती ॥

बोज लीला कन दार्य दारी
अवतारी आयि दुर्गा ॥०॥
दूर गछनय पापुक्य भारी
अवतारी आयि दुर्गा ॥०॥

युथुय कर पैद् सृष्टि व्यष्णु दीवन
दितुन जिन्द रोजनुक सामान् जीवन
करुन ह्युत गाश यलि चन्द्रन त् सिर्यन
शिवस यमि विजि न् गंगा आंस सीवन
युथुय लुब राज स्वर्गुक राज् यन्द्रन
त्रकूटी दिवतहन सपद्यव प्रसन मन ॥

असुरन हुं'द गव जुलुम जारी
अवतारी आयि दुर्गा ॥०॥
आंस्य कूत्या तिम अहंकारी ॥०॥
अवतारी आयि दुर्गा ॥०॥

दयुत महिषासुराह बु'थ जोरु वारा
कुरुन पृथ्वी त् स्वर्गस आधिकारा
त् पातालस ति कुर तम्य लूटमारा
स्वर्ग सोरुय सपुद यकदम बु'जारा

(3)

पतै रूज दिवतहन चौपार्य लारा
तिमन वह्य - वाय करनस ओस न् वारा

ब्रह्मस तिम गय शरण सारी
अवतारी आयि दुर्गा ॥०॥
छिस दपान अस्य असुरव मारी
अवतारी आयि दुर्गा ॥०॥

अछिव किन्य दिवतहव त्रोव खूनि बारान
ब्रह्मा जी चार् अमिकुय ओस छारान
शिवस तय व्यष्णु संय निश आव लारान
दपान छुख हाय दिवताह अज छि थारान
तिमन महिषासुराह बु'ड दैत्य मारान
फकीराह ह्यु यन्द्र तस अथु छु दारान

हाहाकार वुंथ चौपारी
अवतारी आयि दुर्गा ॥०॥
चल्य दिवताह स्वर्ग मंजु सारी
अवतारी आयि दुर्गा ॥०॥

यि बूजिथ क्रूध कु'र यंच व्यष्णु दीवन
तिथुय चख पैद् गयि प्रथ जायि जीवन
शिवस तय ब्रह्महस गव क्रूध तेज्ज

(4)

खश्म होव दिवतहव ब्ययि राज् यंदन
प्रकट गयि नार् छट् संगरन त् बालन
नभस भूतरां च मंज् ग्रज् तुल तुफानन

रव सपद्यव प्रलयंकारी
अवतारी आयि दुर्गा ॥०॥
अवतारी आयि अवतारी
अवतारी आयि दुर्गा ॥०॥

बनिथ जं च द्रायि यकदम व्यष्णु संज् चख
महादीवन तमिस पत् त्रां व जं च अख
ज'चाह लंग्य त्रावने ब्रह्मा संदी मुख
स्यठा ज'चु दिवतहन निश द्रायि वख वख
सपुद तति पै'द तीजुक संग्रहा अख

वूज तीजस ओस व्यखचारी
अवतारी आयि दुर्गा ॥०॥
घट् च'ज्य गाह प्यव चौपारी
अवतारी आयि दुर्गा ॥०॥

समिथ सुय तीज स्त्री रूप सपद्यव
बनिथ शवनाथने ज'चि मुख तसुन्द गव
नर्यन मंज् व्यष्णु सुन्दुय तीज् बदल्यव
पतै ब्रह्मा सुन्दुय युस तीज् प्रकट्यव
चरणु कमलन हुँदुय तथ जोर वुपद्यव
अंगन मंज् दिवतहन हुँद चाव परतव

(5)

आंस यच स्वय सुन्दर नारी
अवतारी आयि दुर्गा ॥०॥
तस दिवताह करनि लंग्य जारी
अवतारी आयि दुर्गा ॥०॥

जारी

न्यायस सांनिस सनत् लो लो ।
दीवी गाल असुरनत् लोलो ॥०॥

जारन थावतै कनत् लो लो
दीवी गाल असुरनत् लोलो ॥०॥

जायि जायि राक्षस गय जारी
आय अस्य वलनै चौपारी
बोन्यन जंन छनेय पनत् लो लो ॥०॥

जोरावार तिम छा वुछान पास
सुंख मुंख सृष्टियि गय करान ग्रास
जून जंन वंज्य ग्रेहनन तु लो लो ॥०॥

त्रावान कस छि तिम जालिमगार
दिवताह सारी गंय खजिल खार
व्यथि वेह रव्यव यंदन तु लो लो ॥०॥

(6)

खश्म होव दिवतहव ब्ययि राज् यंदन
प्रकट गयि नार् छट् संगरन त् बालन
नभस भूतरां च मंज् ग्रज् तुल तुफानन

रव सपद्यव प्रलयंकारी
अवतारी आयि दुर्गा ॥०॥
अवतारी आयि अवतारी
अवतारी आयि दुर्गा ॥०॥

बनिथ जं च द्रायि यकदम व्यष्णु संज् चख
महादीवन तमिस पत् त्रां व जं च अख
ज'चाह लंग्य त्रावने ब्रह्मा संदी मुख
स्यठा ज'चु दिवतहन निश द्रायि वख वख
सपुद तति पै'द तीजुक संग्रहा अख

वूज तीजस ओस व्यखचारी
अवतारी आयि दुर्गा ॥०॥
घट् च'ज्य गाह प्यव चौपारी
अवतारी आयि दुर्गा ॥०॥

समिथ सुय तीज स्त्री रूप सपद्यव
बनिथ शवनाथने ज'चि मुख तसुन्द गव
नर्यन मंज् व्यष्णु सुन्दुय तीज् बदल्यव
पतै ब्रह्मा सुन्दुय युस तीज् प्रकट्यव
चरणु कमलन हुँदुय तथ जोर वुपद्यव
अंगन मंज् दिवतहन हुँद चाव परतव

(5)

आंस यच स्वय सुन्दर नारी
अवतारी आयि दुर्गा ॥०॥
तस दिवताह करनि लंग्य जारी
अवतारी आयि दुर्गा ॥०॥

जारी

न्यायस सांनिस सनत् लो लो ।
दीवी गाल असुरनत् लोलो ॥०॥

जारन थावतै कनत् लो लो
दीवी गाल असुरनत् लोलो ॥०॥

जायि जायि राक्षस गय जारी
आय अस्य वलनै चौपारी
बोन्यन जंन छनेय पनत् लो लो ॥०॥

जोरावार तिम छा वुछान पास
सुंख मुंख सृष्टियि गय करान ग्रास
जून जंन वंज्य ग्रेहनन तु लो लो ॥०॥

त्रावान कस छि तिम जालिमगार
दिवताह सारी गंय खजिल खार
व्यथि वेह रव्यव यंदन तु लो लो ॥०॥

(6)

भुतरात माता यंच छि नालान
डंबिसंय प्यठ दुःख छन चालान
ओंश यच त्रोव धर्मनतु लो लो ॥०॥

दजूवुन पतु रूद शोरु अंबार
चारु कर सोनुय यीतनै आर
बचनुक पाय केह वनतु लो लो ॥०॥

कथा

सजावंन्य दिवतहव ह्यंच पानु दुर्गा ॥०॥
महादीवन पनुन ओंननस त्र्यशूला
सुदर्शन चक्र ह्यथ आव व्यष्णु दीवा
वज्र तस डालि दिनि लुंग राज यंद्रा
पलव तय गहन ह्यथ आव खीर संद्रा
जलक्य सदरन ओंनुस शंखा तु कमला

लुंग हिमालय करने जांरी
अवतांरी आयि दुर्गा ॥०॥
शेरि बबरस प्यठ कर सवांरी
अवतांरी आयि दुर्गा ॥०॥

तुलिथ हथियार पांरिथ पान स्वन्दर
महामायायि असुनाह कोर भयंकर
बुन्युल भुतरांच गव थारेय संगर
स्वर्ग पातालसुय जंन चायि थर थर

मलख तुल्य सदर वंय काँपेय चराचर
शब्द बूजिथ असुर जंर्य गय सरासर

जांल्य राक्षस क्रूधक्य नांरी
अवतांरी आयि दुर्गा ॥०॥
गव शब्दाह क्या व्यखचांरी
अवतांरी आयि दुर्गा ॥०॥

शब्द बूजिथ असुर दौरेय चुपांरी
सपुज महिषासुरस तामथ ब्यदांरी
तमिस अम्य शब्दनुय जंन कर ब्यवांरी
दुंपुन केम्य कर सुंखस म्यांनिस वुजांरी
असुर तम्य नाद दिथ सुंबरांव्य सांरी
हुकुम द्युतनख करिव जंगंच्य तैयांरी

ह्यथ लश्कर कालु संहारी
अवतांरी आयि दुर्गा ॥०॥
महिषासुर द्राव बाजांरी
अवतांरी आयि दुर्गा ॥०॥

युथुय दीवी हुंदुय तम्य वुछ प्रकाशा
सपुद मूह्यत अछिन द्वन आस गाशा
तसंदे प्रावनुच्य लुंग करनि आशा

मगर तमि संजि शक्ति हुँद तमाशा
वुछिथ सपद्यव तमिस आशायि नाशा
तुलिथ अस्त्र नर्यन लुंग कडनि वाशा

युंध करने वंथ्य असुर सांरी
अवतांरी आयि दुर्गा ॥०॥
घेर तिमवय कौर चौपांरी
अवतांरी आयि दुर्गा ॥०॥

तुलिथ अस्त्र खडग तीरा कमाना
असुर दल हावने लुंग पूर शाना
रथव हसिवय त गुरिवय भुर जहाना
शुरु युंध गव त गोलव तुल तुफाना
वलिथ ज़न थोव तीरव आसुमाना
प्रलय ज़न करनि ज़गतस आव फाना

कुल्य असुरव अरशस खांरी
अवतांरी आयि दुर्गा ॥०॥
लंग्य पहाडन दिनि दार्य-दांरी
अवतांरी आयि दुर्गा ॥०॥

हुर्यव रचि खोतु रचि असुरन हुँदुय दल
स्यटा लंग्य हावने माया, कपट, छल

मगर दीवी लडान आंस कुन्य त कीवल
करिन असुरन हुंदी हथियार न्यष्फल
लजिख स्वय हावने शक्ति पनुन बल
बनोवुन फोज बुंड फुक सीत्य जल जल

तंम्य फोजन राक्षस मांरी
अवतांरी आयि दुर्गा ॥०॥
पोश छकने द्राय दीव सांरी
अवतांरी आयि दुर्गा ॥०॥

पोशि वर्षुन

रक्षिपाल करने मांज्य आयख अवतारस तांय
अस्तांय अस्तांय शेरि लागोय पंपोशि दस्तांय
दर्शन चाने गाह प्यव यथ संसारस तांय
अस्तांय अस्तांय शेरि लागोय पंपोशि दस्तांय ॥०॥

दिवताह सांरी चान्य शक्ति वुछने द्राये
हर्षस गय तिम पोशि वर्षुन करने आये
व्यमानन हुंद रस्त लुंगुमुत अस्मानसतांय ॥०॥

ही मूक्षिदात्री छख सान्यन पापन फरान
संकट हरान, आरुकत्यन कल्याण करान
धर्मस रछान दूर करान अधर्मसतांय ॥०॥

महामाया त्रैलूकी हंज छख राजुरांनी
नारद त क्यनर आय ग्यवान महिमा चांनी
ब्रह्मा, व्यष्णू ब्ययि शंभू छी दस बस्तांय ॥०॥

यलि यलि राक्षस असि करान गय अडमांरी
नारस त मारस म्युल करिथ चौवापांरी
गुलजार कुरुथ त्यलि दीवी च्येय नारसतांय ॥०॥

आमंत्य शरण लोलु यिम छी चान्यन पादन
अभय करान छख तिमन संतन त साधन
जय जय भविनय अथ चांनिस दरबारस तांय ॥०॥

कथा

युथुय दीवी स्व असुरन करनि लंज्य ख्यय,
चक्र खडगाह, त्र्यशूला आंस हेय हेय,
तुलुन गुरजाह गरा हथियार बेय बेय,
ग्रजान सीनायि अन्दर आंस न्यर्भय,
चकर आव राक्षसन यंच खोफ खेय खेय,
चिहिस मंज अरब बुंध्य तति कल पथर पेय।

आंस चकि हंच यंच महामांरी
अवतांरी आयि दुर्गा ॥०॥
कल ख्यनि लुंग सह चार्य-चारी
अवतांरी आयि दुर्गा ॥०॥

दुहन केंचन चलान युंध गव लगातार,
तमिस महिषासुरस सीना सपूज खार,
त आंखर आयि तस पानस ति अनुवार,
पुतुस तस कुर जगत् अंबायि संहार,
स्यठा भुतरांच लुंत यंचकांल्य गव भार,
प्रकट गयि स्वय त करने लज्य नमस्कार।

गांज्य दीवीयि जालिमगांरी
अवतांरी आयि दुर्गा ॥०॥
चंज्य सख्ती ब्ययि लाचांरी
अवतांरी आयि दुर्गा ॥०॥

सपुद्य मातायि लछि बुंद्य पोशि वर्षन,
मनोव स्वर्गस अन्दर बुंड जशनु यन्दन,
तमामंय दिवतहन सपद्यव प्रसन मन,
वसिथ बुंन आय खसिथ पनन्यन व्यमानन,
भरिथ पूजायि हुँद सामानु थालन,
महामायायि करने लंग्य अराधन ।

छख माता मन किन्ध आंरी
अवतांरी आयि दुर्गा ॥०॥
दुःखियन हंज बूजुथ जांरी
अवतांरी आयि दुर्गा ॥०॥

च्य कांसिथ मांज्य संकट सांन्य सारी,
सपंद्य पापन हंडी यंच दूर भारी,
च्य अर्दाह नरि छि आयुंध दांर्य-दांरी,
करिथ छख शेरि बबरस प्यठ सवांरी,
जगत माता लगोय च्येय पांर्य पांरी,
करंय असि आरती हंजंय तैयांरी।

अंस्य छि पांपी चांरी फ्यांरी
अवतांरी आयि दुर्गा ॥०॥
रछ माता कर असि यांरी
अवतांरी आयि दुर्गा ॥०॥

❀ आरती ❀

स्वमनु करोय च्य आरती, श्री भगवतीये
लोलुक्य छकोय पंपोशि फुंती, श्री भगवतीये ॥०॥

दीवी कर असि अमुर्यतु, वर्षुन, दर्शुन पनुन हाव
प्रारान बर तल छी आरुकी, श्री भगवतीये ॥०॥

माता वलिमंत्य छी संतापन, पापन कर समहार
आंरंत्य केशान छी शापुहती, श्री भगवतीये ॥०॥

कामन क्रूधन थव्य गांल्य गांली, लूभन मूहन जांल्य
हांरी हर सांन्य तिम नारुती, श्री भगवतीये ॥०॥

रांग्यन्या आंग्यन्या मांन्य यंम्य चांनी, रछ तस भवांनी
चंय पारवती, चंय छख सती, श्री भगवतीये ॥०॥

चंय छख ज्वाला, कांली, चन्डी, फंडी दुं:खच्य कास,
दुर्गा छख दूर कर दुर्गती, श्री भगवतीये ॥०॥

चंय लक्ष्मी यस दया करान, भरान तस भंडार
अंस्य छी न्यर्धन छनी छती, श्री भगवतीये ॥०॥

अष्टादशि बुंज्य कन थव नादन, रछ असि पादन तल
ही शारिका दी परम गती, श्री भगवतीये ॥०॥

चंय गौरी, चंय अंबा छखना, खबर ह्यखना सांन्य
विद्या दिखना सरस्वती, श्री भगवतीये ॥०॥

नाश कर दुंष्टन, अन असि गाशा, छय असि आशा चांन्य
जीवन-मुक्त बनाव यती, श्री भगवतीये ॥०॥

वथ हाव धर्मच्य कर असि कृपा, दया पनंन्य हाव
भक्ती हंडी अंस्य छी मती, श्री भगवतीये ॥०॥

